

# Weegeleed för et Chresskindche (Josef, dun et Fүүrche stoche)

Text: Wilh. Hossdorf (Orthographie angepasst)<sup>1</sup>  
Musik: Hans Winkel

- 1 Josef, dun et Fүүrche stoche, dat es lösting brennt em Wind!  
Söbe Weggbrei well ich koche, freut sich dann mi Himmelskind.  
Tuck, tuck, tuck, ehr Höhncher all, loot dat Scharre sin em Stall!  
Eia, eia, sid mer stell, weil mi Kindche schlofe well,  
weil mi Kindche schlofe well.
- 2 Schwatz Gewölk litt üvverm Städtche un et schlieft der Herbergsweet,  
nor ne Leechsching glänz om Pädche, dat bes an et Kreppche föht.  
Mäh, mäh, mäh, ehr Schöfcher all, wärmt dat Kindche mer em Stall,  
eia, eia kutt eraan, dat mi Hätzche schlofe kann!  
dat mi Hätzche schlofe kann!
- 3 Heete, dot üch met uns freue, nidderkneet däm Kind zor Ehr!  
Blost e Leed op de Schalmeie, dankt däm große Godd un Häär!  
Bim, bam, bom, et Klöckche klingk, luuscht doch, wie dat schallt un singk –  
Eia , eia– durch de Naach! Seht ens, wat mi Kindche laach!  
Seht ens, wat mi Kindche laach!

Aus: Kölsche Leeder för Schull un Huus, Greven-Verl. 1964  
© Wilh. Hossdorf-Nachfahren (R. Urbach), Köln  
Hans-Winkler-Nachfahren, Bonn- Beuel

Vgl.: Hoerner, Ludwig (Hrsg. - für den Verein Kölsche Klaaf e.V.) Oktober 1990. *Kölsche Mädchen, Kölsche Junge, Kölsche Tön – Kölner Liederbuch Nr. 3.* Köln: Selbstverlag.

<sup>1</sup> nach den Richtlinien der Rechtschreibung der Akademie für uns kölsche Sproch 2007